

قصائد عامية

أصداف



علي الشرقاوي

أصداف

قصائد عامية

1993

الأصداف ملكتي
منها أهرب
وإليها أعود.
ع.ش

أصداف

قصائد عامية

شعر

علي الشرقاوي
أصداف

جميع الحقوق محفوظة للمؤلف
ص.ب: ٣٢٦٦١/البحرين
رقم الايداع بالمكتبة العامة بالبحرين
١٥٠٢.د.ع/١٩٩٣
الطبعة الاولى يناير ١٩٩٤/البحرين
تصميم الغلاف: موسى حسن
الأخراج: فريد رمضان

مَجَّارَة

أحب أسافر ف بحرك
مراكب بالهوى تمشي
بليا شراع
واغوص وقت الفجر في القاع
أدور فيك عن المرجان
عن لولو خضر
مخلوط بالزرقعة
وأدور فيك يا روي

عن الشهقة
وعن عمري اللي قبلك
في السواحل ضاع .

لو اقدر

لو اقدر
اشيل العين
من بين الجفن
شلت الضوء منها
وخشيتك
نبيع اكبر من الانهار
لواقدر ولكن كيف
كفي ما تساعفني

وكل اللي بنيتة
من تعب عمري
اشوفه في دقيقة انهار ..
ياغدار !

لوزة

يا لوزة شوق
يحرقها عرقها
في ورقها اللي يغطيها
مثل حرقه نهر
ظل الدهر ضامي
انا قطيرة هوى
شديني بعروقتك

وضميني
بلا ضم الهوى في القلب
ما تتجدد اوراقك
ولا تتجدد ايامي .

حقول

لا تنهاجمني
نظر عيني
ولا تخليني لو مرة اهاجم
خلني اكرر
واقول
الهوى في الدنيا

مثلات المواسم
واحنه
مثلات الحقول .

نار الحب

لا تقولين
أرجوك ابتعد عني
أنا ميفيك تتعذب
على ريحة وهم
مفسولة بالآلام .
أنا عصفور
والعصفور يا رويحي
إذا ما ضاق لو مرة
شرارة حب
ما يعطي الزمن أنغام .

حصار

اقول . شاقول
وانا اللي شابت عروقه
ورا غيوم الاماني
ينتظر
دانة فرح
مزروعة بالاخلاص .
اقول . شاقول
وانا محاصر مثل عصفور
جدامه مئة قناص .

عود يابس

عطشان
ذابحني العطش
من أول سنيني
خلي الندى ينزل ويحييني
عطشان
لا تقولين عندك ها لمطر
ماي الدهر كله
بلا ريحة عرق
ما ظنه يكفيني .

حلاة الآه

يا عين العين ..
يا صوت العطش
يا كلمة تتبرعم على الأوراق .
حلاة الآه
تتناثر ما بين اثنين
وتصير الضوء في القلب
وتصير النغم في العين
وتتحول .
على طول الهوى
عشاق .

رهبة

خلطيني بسمار اللون
وخلطيني مع سطور الكحل
موجة فرح حرفين
تحرقني
واخاف انطقها بشفاقي
خلييني كلام عيون
لا هو ضحكة .. لا هو دمع

لو اقعء اوصفه
هالعر
ماخلصء اوصافى .

محتاج

أنا
محتاج لك محتاج
حاجة طير
حق أول ضوه
يطلع من الغبشة
انا محتاج
مثل الروح للرعشة

انا محتاج لك يا شوق
ودي اجيك
مثل مركب نسي نفسه
عقب ما عاشر الأمواج .

اكتر من النجمة

ودّي اتنفس عيونك
ودّي افتح في شرايينك كلام
ما تقوله الموجه للموجه
ولا النجمة ف عشقها
حتى لو شقت
مسافات الظلام
ودّي اشيلك
واحطك

في بحر صدري سفينة
تعبّر الدنيا بمشاعرها
ولحظة ما تنام .

نون الجماعة

انتي نص الكون
انتي النار
ياخذني فضاها
كوكب صغير محاصر بالرعود
لا تهديني
تره احنه اثنين
نتكامل امانى
انتي من غيري

بلا معنى
ولا لي انه من غيرك
وجود .

ما يفتائي

ما يفتائي
تسال رجفة ايديني
وقلبي اللي ارتجف
لما سمعتك ياي
ما يفتائي
زهر الشوق
لوحس اي عطش في الروح
ما يتمنى غير الماي .

عشق

قلبك اذا ما حن
مرة للعشق
يتمنى تأنيبك
صوتك اذا ما صاح
بسم اللي تحب
لا تظنه يدري بك
والروح مثلات السفينه
والمواني هالصدر

لولا الصدر
ما في امانى تقدر
توديك .. وتجيبيك .

نورس

لو طار قلبك
في بحر ليل الشقا
او غاصت احلامك
حبيبي
في التراب عروق
تبقى مثل ما كنت
في الأول مواعد شوق

تتمنى
لو نار الهوى
ترفع جناحك فوق .

حرارة شوق

هوى العاشق
هوى ما ينلمس باليد
وما يقبل علينا فرض
ولو حاولتي تمتنعين
عن صوتي وتبتعدين
اظل باقي
بنزواتي واشواقي

اعيش في داخل عروقتك
وحبك في سراييني
حرارة نبض .

سيف دائم

حبيبي روح
ومهما تروح
أظل اتخيل شراeck
حمامة في بحر صدري
واحس شهقة مجاديفك .
حبيبي روح

سافر في الجهات الست
حتى لو تكون امواج
في الآخر
ترد يا قلبي
حق سيفك .

انتظار

قلبي بلا صوتك ظلام
وانت القمر
طول الدهر دوار
من نور صوتك ترتعش روحي
مثل أي زهرة بريّة
تبعد شهر

تبعد دهر
تلقاني مثل الدار
تحلم تشاركها ربيع الشوق ليلية
دون الهوى جمر الصدر
ما يشتعل بالنار .

النَهَام

لو صحيح انك تحبيني
مثل ما قلتي حق الناس
قد الماي
هالنايم على صدر البحر
ما تركتيني على سيف القهر
انتظر خطوة خبر

البحر
ما يقبل تخليين
أي نهام
فوق السيف
يغرق في السهر .

احساس

الحب ..
موجرة قلم
تكتبها في قرطاس
الحب ..
في الدنيا نغم
كله فرح واحساس

افهمني ولد الناس
لا تدخل احلامي هوى
وتخرّب أيامي
وتتركني ألم
يمشي ما بين الناس .

صخرة

ضحكاتك قمر يلعب
ويرقص في بحر صافي
وقلبي في السواحل طير
بنت الخير
اي دانة
اذا ما تقدر تلامس

يد اللي من اجلها غاص
وتدخل في هوى احزانه
تظل صخرة بلا معنى
في وسط الهير .

هیر بونبع

يا هير يا بونبع
ياللي غويت الطير
وخليته يهد السيف
ويجي لك
على جتوفه غبار الليل
وفي قلبه نهار العيد

مجاديفه اتعبت
من كثرة التجديف
قول اشلون يوصل
وانت لى جرب
تروح بعيد ؟

الذهب

لا تقول قلبي تعب
من يومه وأمسه
وانت الذهب والذهب
يحرق من يلمسه
رد الوله للصدر

ردّه ولو همسه
للقلب طبع اليمر
لو ما احترق بالهوى
يرجع على نفسه .

حقيقة

يا للي تسكن في فضا روي
وصوتك منزرع غابة

هوى

في كل خلية
من خلايا هالجسد
احنه في غصنين

نتراسل غناوي من عشق
لكن حبيبي
ما اظن في يوم نتقابل
ونوفي بالوعد .

مهما

مهما تجيني بدمعتك
يا صويحبي وتروح
مهما تكون النار
وقليبك
تحت صدرك حطب
مهما تظل تعباً
يرويك التعب

مهما تعيش جروح
لا تظن ابد
انك تبيع وتشتري
لحظة هوى في الروح .

المحبة

المحبه طيور
إذا حطت على غصون
الهوى
صار الزمن ملعب
وصوت الريح
من خطوة هواها
يشوف ويسمع

المحبة طيور
إذا طارت
من اقفاص الصدر
لا تظننها ترجع .

نخلة

نهام .
يا نهام
يا وليد البحر
وشذني احتاجك
واتبع صدى امواجك
بين البحر والبر .

ان كنت انا تاجك
احرقني بامواجك
وان صحت بك بسي
اعني اريد اكثر .

محرقية

محرقية
يا حلو صوتك
اذا حن وشهق
مثل السقي
لامس هوى الاسياف
ضحكي لي
ترييني بالضحك

اعبر بحور الظلمة
في العالم
على شانك
بلا ميداف.

قراءة

لا تقريني
على سطح السطر
لكن ورا الكلمة
حديقة تنتظر
تسقي عطر
للي عليها يدور

اقريني مثل عصفور
دخل ليل الألم
سوى لك عيوننه
قلايد نور .

تعمد

انا مركب سفر
ماشي بلا ربان
اتعمد اضيع كل مجاديفي
وكل ما دل على اشراعي
عشان أبقى
سحابة في خيالاتك

ودمعة في الفضا
تنبض من الشريان
ولا تعرفين لها عنوان .

الخوف

اخاف يا زهرة الاسفار
على شراعين
طلوا في شراييني
مثل طلة نهر
في آهة الوادي
اخاف مني على عيونك

وليش ماخاف
وقلبي لك قوافل شوق
وانتي في الهوى
حادي ؟ .

وردة البحر

ما يكفيني أشمك
ورا الاسوار
وردة نار
تحرقني حرارتها
ولا يكفيك يا بنت البحر
انك تضميني

وهم أو طيف .
ما يكفيني غير اكون
وردة في هوى اترابك
اهزك بالجذر وانتي
تشديني بحرارة صيف .

صيف خاص

صيفك
يا بعد اهلي بردي في الروح
واشواق العرق ريحان
شيليني من احزاني
وضيعيني
على طول الفضا

يمكن ارد الارض
او يمكن
اظل ضايح
مثل كوكب خرافي
في مدى الاكوان .

احراج

الصحراء بحر والماء
صخرة والمطر ماشي
بليا راي
ياواقف على كتفي
وفي دمي حزن جارح
قبل ماتوقف وتسالني

وين رايح !
عليك تسألني
من وين جاي ؟ .

لازم

قالت لي واحنه
في ضوء الساحل
نعد حبل الوصل
تباب
يا تباب
غبه هالبحر
ما يوصله مريالك .

قلت أنه مجاديفي الشاعر
والهوى اشراعي
ولو عشت العمر ف اسفار
لازم اقطف هلاك .

نبيع

وينك يا نبع الماي
مقدر احسك
في شتا روي دقه
مقدر المسك بالشفه
وانته جريب حذاي
قلبي يبس

وأنه انتظر مثل
الفرس
محبوس بين دماي
أتمنى لو قطرة هوى
ترسم طريقى الياي .

بذرة

يا بذرة عشق
تغسل بسايلها
من انفاسي
اذا واحد قدر في يوم
من ايام هالدنيا
يشيل الميم

من اسم المنامة
يقدر يشيل
الهوى
من توبه احساسى .

سواحل نار

جيتك من مكان بعيد
خشنني فيك
ومسد لي جناحي
من ألم الاسفار
ضم قلبي
وغطسني

وسط ماي الدفه
يمكن ترد روي
واتحول
على ضلوعك
سواحل نار .

ساحة خيل

خليني أضوق الدفه
هاللي تجمع في الشفه
قطرة نده
مخوصرة بالهيل .
شوقي مثل نهام
طاف الموج

في الدنيا لفه
يحلم يسوي لك
مواويله فضا
وقليبه ساحة خيل.

العمر

على باب الحزن اسأل
وانا ادري
خشب هالباب
ما يملك جواب واحد
على اسئلتني
على روعي اللي فاضت
عن قفص صدري

اقول يا باب
وادري الباب
درب جديد
ياخذني لأمل عمري .

كلمة صغيرة

انتي أنه
في زفيري او شهيتي
انتي مثلات البحر
وأنه الجزيرة
من هوى حبك اسافر في هواي
أنه لو انطق واعبر لك

عن اللي يحمله قلبي
ولو بكلمة صغيره
ينهدم هالكون
وتتناثر
على طوله دماي .

اختلاف

خلنا نختلف في الراي
تكون انت الوتر
وأنه السفر في الناي
خلني اكون
اشواق الشير
وانته ف ثمر معنای

خلنا نختلف في الراي
تره لولا
اختلافات السما
ويا البحر
ماذقنا طعم الماي .

صوت

حلو صوتك يناديني
حلو
والله حلو
يطوي المسافة
والهوى تارس
إذا حنت سراييني

احسن اني فروح مشتاق
مايهتم ابد
بالسكة
والاسوار
والحارس .

نسيان

نسيت لما قرئت حبك
حروف اسمي
نسيت البحة في صوتي
نسيت روعي
وقمت احجي وعد
حتى ارتعد جسمي

وقليبي انفلت اسرار
نسيت اني
جزيرة
محوطة باسوار .

لولو خضر

يا ولد البحر
يا اللي تغوص ليل القهر
والغربة والاسفار
انا لولو خضر
في ظلمة المحار .
انا لولو نضه

لو انتہ تبغيني
عليك تفوص
في عروق البحر
وتواجه الاخطار .

مكانك

جدفت
ما جدفت
في ليل الاماني
والا غصت سنين
في بحور الشقا
تحلم وتتمرمر

حدك مكانك يا يبه
بحر الهوى
مهما ثبر والا سقى
ما له ابد بتدر .

صلاته

يا صلالة
يا طيرة قي سواد العين
لا تطيرين عني فوق
ولا تطفمين هوى قلبي
تره مقدر على الحرمان
نزلي من فضا ليلك

ورفعيني
ولا يهملك اذا احترقت
جناحتي وشرابي
من مياه الحرارة
يصرخ البركان .

شرارة شوق

فتحي نوافذ هالصدر
طللي وشوفيني
طفل
جوعان . حاسر
محترق وانتي
مكانك فوق .

أرجوك
نزلي من كلامك
هاللي ما يروي ظمأ
طعميني لو كسرة فرح
والا شرارة شوق .

التصاق

نعم
انتي قصيدة ماي
قمر . لا . شمس بين عضاي
من صوتك
بدا في الدنيا تكويني
اذا غبت يوم او يومين

عن عينك
احس اني بلامعناي
وقلبي ريح وانتني ناي
يصرخ في سراييني .

فرحة

بسمتك لي
لما يتناثر عطرها
والا تشهق بالحنين
تسوى هالدنيا بقمرها
وبأراضيها وبحرها
والكواكب والسنين

بسمتك لي
يا نطر عيني هوا الدنيا
ويكفيني من الدنيا
أشوفك تفرحين .

الفهرس

7	محارة
9	لو اقدر
11	لوزة
13	حقول
15	نار الحب
16	حصار
17	عود يابس
18	حلاة الة
19	رهبة
21	محتاج
23	اكتر من النجمة
25	نون الجماعة
27	ما يحتاي

28	عشق
30	نورس
32	حرارة شوق
34	سيف دائم
36	انتظار
38	النهام
40	احساس
42	صخرة
44	هير بونبع
46	لهب
48	حقيقة
50	مهما
52	المحبة
54	نخلة
56	محرقة
58	قراءة

60	تعمد
62	الخوف
64	وردة البحر
66	صيف خاص
68	احراج
70	لازم
72	نبيع
74	بذرة
76	سواحل نار
78	ساحة خيل
80	العمر
82	كلمة صغيرة
84	اختلاف
86	صوت
88	نسيان

90	لولو خضر
92	مكانك
94	صلالة
96	شرارة شوق
98	التصاق
100	فرحة

للشاعر

- 1975 الرعد في مواسم القحط
- 1981 نخلة القلب
- 1982 تقاسيم ضاحي بن وليد الجديدة
- 1983 رؤيا الفتوح
- 1983 هي الهجس والاحتمال
- 1983 المزمور (٢٣) لرحيق المغني
- اذا يافلان (شعر عامي مشترك
- 1983 مع الشاعرة فتحية عجلان)
- 1983 اغاني العصافير- شعر للأطفال
- 1983 شجرة الاطفال- شعر للأطفال
- 1984 مفتاح الخير- مسرحية شعرية
- 1986 للعناصر شهادتها ايضا أو المذبحة

- 1987 مشاغل النورس الصغير
- 1988 ذاكرة المواقف
- 1989 الفخ- مسرحية شعرية للأطفال
- 1989 قصائد الربيع- شعر للأطفال
- 1990 الأرنب الطيبة-مسرحية للأطفال
- 1990 بطوط-مسرحية للأطفال

16
8a

Bibliotheca Alexandrina



1236161



إصدارات مكتبة نون